

國學基
本叢書
建炎以來繫年要錄
十



書叢本基學國

錄要年繫來以炎建

(十)

撰傳心李

行發館書印務商

建炎以來繫年要錄卷一百五十七

紹興十有八年。歲次戊辰。金熙宗宣統八年。春正月戊辰。按是月庚申朔。左奉議郎諸王宮大小學教授林大鼐爲太常寺主簿。仍

兼祕書省校勘書籍。大鼐初爲舉子。嘗答策言秦檜靖康忠義之節。檜時閒居永嘉。見其文默識之。至是

稍獲薦用。大鼐初見紹興十三年十二月。

己巳。上幸天竺寺。遂幸玉津園。

庚午。入內東頭供奉官康謂還所寄資爲左武大夫和州防禦使帶御器械。謂改宣政使。謂改使額在二月癸巳。

丁丑。太常博士賂庭芝罷。先是參知政事段拂聞趙鼎死於海南。爲之歎息。秦檜怒。殿中侍御史余堯弼將按拂罪。先奏庭芝密與執政私交。漏洩機事。遂罷之。自是拂不安於位矣。左承議郎張闌添差通判泉州。自秦檜專國。朝士爲所忌者。終身以添倅或帥幕處之。未嘗有爲郡者。

辛巳。命權戶部侍郎李椿年同看詳諸路監司郡守條具裕民文字。

壬午。殿中侍御史余堯弼入對。論參知政事段拂滅棄人倫。頃爲小官。身對賓客。常使其父執饜具食。官於行朝。陰交非類。濫居政府。漏洩機政。伏望薄行流放。以清表著。

乙酉。右正言巫伋入對。論建炎閒建康通判楊邦乂仗節死難。而拂遂攝倖事。恬不知愧。躡居政府。乃與小臣私交。漏洩政機。又嘗與典謁者曰。我豈是執政。伏望亟賜竄逐。

戊子。輔臣進呈。上語及人才。因謂秦檜曰。士專謀身。國家何賴。勵世磨鈍。惟在進賢退不肖。檜曰。此乃致治之要。上曰。但審其賢否而進退之。則人自知勸沮矣。

二月癸巳。上諭大臣曰。兩浙漕司舉人。聞有勢之家。行賂假手。濫占解名。甚喧士論。今貢舉鎖院在近。可令禮部立賞許人告捕。

甲午。詔假手者許就試。舉人告獲。取旨補官。仍賜出身。

乙未。參知政事段拂罷。爲資政殿學士。提舉江州太平興國宮。用臺諫奏劾也。章再上。尋落職。興國軍居住。簽書樞密院事汪勃兼權參知政事。

丙申。布衣鄭樵爲右迪功郎。以經筵官秦熿等言其學術也。

福建安撫使薛弼言。近旨統制將官離軍。添差州都監已上。並依見任人。切詳諸軍將官。係因功或年勞。不拘大小使臣。一時陞補。卽與祖宗差注將副格法不同。切慮員數太多。煩紊軍政。欲將元在軍中。係大。使臣充將官。有朝廷宣割人。並支破釐務。請給人從。免令干預職事。從之。

己亥。入內東頭供奉官楊公恕還所寄資爲武顯大夫帶御器械。

壬寅。左朝請大夫監尙書六部門張頴面對。乞令諸路災傷檢踏官。不得於稅戶止宿。及接見賓客。詔戶

部看詳。

甲辰。左中大夫知太平州范同引疾請奉祠。詔復左中大夫。令終任。

庚戌。入內東頭供奉官王晉錫榦辦內東門司。左朝請郎呂延年知蘄州代還。言自五季之亂。江南李氏窮兵暴斂。害虐生民。乃於江西一路稅苗數外倍三分。上應軍須。至開寶八年。李煜圖籍歸本朝。而當時官司但名爲沿納。蓋謂事非本朝。勑立特循沿李氏舊法也。積歲既久。而官司又以沿納一項錢米。支移折變。故里巷之民。銜怨李氏之聲猶在也。仰惟陛下憂民疾苦。如痛在躬。欲乞行下江南漕司。如委見本路田產步畝所載稅苗倍於他路。卽取旨量與裁定。仍乞將沿納一項錢米。特免支移折變。詔戶部取索諸路色目一體看詳申省。

辛亥。吉陽軍奏責授清遠軍節度副使趙鼎卒。詔令歸葬。

壬子。右承事郎監登聞鼓院徐璉面對。言自昔帝王必有佐命之臣。功銘鼎彝。侑食清廟。以勸萬世。國家遠稽三代。紹造原廟。凡在佐命輔弼。皆繪像朝廷。以示報功之意。陛下紹開中興。復崇原廟。如祖宗之制。而累朝配享輔弼。不過十餘人。今其家之子孫。必有繪像存焉。望詔有司訪求。募於景靈宮廷之兩壁。詔禮部討論。

三月壬戌。詔政和八年已前實得兩解貢人。不限年並特與奏名。詔就殿試。到省一舉。見年立十五以上。

者。令本貫報明申部。內開封府國子監舉人。召現任京朝官二員保奏。並給除名罪。當議特與推恩。

王明
清輝

歷錄餘話云。靖康之亂。文字散失不存。南渡之後。禮部老吏劉士祥者。大為奸利。士子之桀黠者。相與表裏。云某歲曾經省試。下合該年免。既下部則士祥但云省記到。因而僥倖。遂獲恩者。不知其數。

壬申。名行宮之南門曰麗正。北門曰和寧。

丁丑。上謂大臣曰。聞殿前司招軍。多誘致鄉民及負版者。恐其失業。可令吳璘、楊政招流民之失所者補其缺。

庚辰。上初詣太一宮。以宮成故。凡一百七十楹。既而禮部侍郎沈該等言。鑾輿詣宮。皎日晴霽。車駕還內。雨澤復作。有此祥應。望付史館從之。禮部奏下。在五月辛酉。

壬午。資政殿大學士提舉萬壽觀兼侍讀秦熈知樞密院事。一日。太師秦檜問敕令所刪定官胡寧曰。兒子近除。外議如何。寧曰。外議以為公相必不襲蔡京之迹。寧、寅弟也。熊克小麻稱寧為祠部郎官。按寧此時為選人。克蓋誤也。克又稱寧對云云。於是檜怒。以日麻

考之寧引對改官。在此後七日。則檜未應怒。今不取。中興聖政。呂中大事記。日以其子煇為樞密。欲以代居相位。而兩府合為一矣。

甲申。右武大夫保寧軍承宣使兩浙西路馬步軍副都總管王安道落階官。為宣州觀察使。以解帶恩也。時安道之父繼先有寵。秦檜使其夫人王氏與之敘拜為兄弟。往來甚密。

趙姓之遺史云。繼先遭遇。在紹興中。冠絕人臣。諸路大帥承順。下風莫敢少忤。

其權勢之盛與秦檜埒。張去爲以下猶不足道。又曰：秦檜與其妻黨皆貴盛者，非檜薦舉之力，乃檜請陞遷繼先宗族及與益宗族官職，故繼先及中官亦請陞遷秦氏王氏之官職也。牲之此說，或因秦燦王安道相繼除擢而言，且附此當考也。

乙酉，詔私擅渡淮及招納叛亡之人，並行軍法。後詔津載及巡防人故縱與同罪，失察者減一官。後詔在二十九年二月

月己 右朝散大夫秦亘知峽州。紹興二十六年十月癸亥，周方崇奏：亘守安豐，以權場貨獻權。臣按：日麻，亘去年十二月壬辰，自安豐代還入對，可附此事也。

丙戌，權尙書禮部侍郎沈該兼直學士院。

是月，貢院言：博學宏詞科武進尉周麟之、婺州州學教授李南壽合格，詔並與堂除。自是恩始殺矣。麟之，海陵人，南壽，龍泉人也。

夏四月戊子朔，日有食之，陰雲不見，詔付史館。

己丑，右迪功郎敕令所刪定官胡寧特引對，遂命改京官。寧改官，日麻不書，今年五月戊辰，以右承務郎除太常丞，故附見此。

庚寅，上策試正奏名進士於射殿。先是，權吏部侍郎知貢舉邊知白上合格舉人徐履等，上問以欲起晉唐之陵夷，接東漢之軌迹，及柔道所理，當有品章條貫。右迪功郎董德元策言：晉之失不在於虛無，失於用兵故耳。唐之失不在於詞章，失於用兵故耳。東漢固無如是之失也。陳孺策言：今日中興之盛，以言乎內治，則大臣法，小臣廉，百姓遂其衣食，萬物蒙其豐年，以言乎外治，則講信修睦，夷夏交權，邊鄙無虞，五兵不試，東漢之事未足慕也。願申飭邊郡守臣，俾兩相撫輯，庶幾邊隙不生，遠人益服。此品章條貫之一

助舉人王佐策言。王羲之言。隆中興之業。政以道勝。寬和爲本。蓋譏當時不務息民。保國不欲以兵取勝也。杜牧有言。上策莫如自治。蓋譏當時不計地勢。不審攻守。而徒務爲浪戰也。況陛下今日任用眞儒。修明治具。足以鋪張對天之宏休。揚厲無前之偉績。則光武之治。不足深羨。權禮部侍郎兼直學士院沈該初考。權戶部侍郎李朝正覆考。工部尙書詹大方詳定。乃奏德元第一。孺次之。旣而以故事遞降。遂擢佐爲首。賜佐以下三百三十人及第出身。履永嘉人。德元吉水人。佐山陰人也。按紹興二十三年十二月鄭仲熊劾王佐章疏。稱佐蠶絲大樹本非庭魁。

以上三人皆係有官。遂致僥冒。按此舉第四人乃莫汲。當求他書參考。

庚子。左中大夫知樞密院事秦熈罷。爲觀文殿學士。左通奉大夫。提舉萬壽觀。兼侍讀。提舉祕書省。熈言。父子共政。理當避嫌。故有是命。仍詔熈應于恩數。請給等。並依見任宰臣例。立班在右僕射之次。

辛丑。徽猷閣待制邵博卒於犍爲縣。

乙巳。特奏名進士俞舜凱等四百五十七人。武舉進士柯熙等七人。特奏名一人。賜第授官有差。於是始以將仕郎易京府助教舜凱。婺源人也。

癸丑。敷文閣直學士知建康府晁謙之罷。先是左承議郎方雲翼自禮官罷歸。後起爲江東安撫司參議官。檜念之。薦於謙之。雲翼干擾不已。謙之怒其無厭。以書白之。會雲翼代還。檜以問雲翼。雲翼愕然曰。王庶之子。比過金陵。晁館之於宅堂者四日。雲翼嘗勸晁不當留在宅堂。恐有詭謀。晁卽日津發前去。雲翼

固知其言太深。然不料其陰恨雲翼。至於此也。檜默然。卽諭殿中侍御史余堯弼。堯弼乃奏謙之險薄躁競。時無與倫。趙鼎負滔天之惡。投畀遐裔。乃陰與交通。書問絡繹。王庶詭詐乖僻。世所共棄。謙之實其辟客。每慕其爲人。庶之子至今往來請求不絕。朋奸稔惡。日懷怨望。志在動搖國事。故有是命。日麻。方雲翼紹興十五年三月

癸未除江東安撫司參議官。十一月丁未改添差通判宜州。建康志。謙之以十五年四月到任。

直徽猷閣方庭實提點廣南東路刑獄公事。左朝請大夫新知徽

州趙士彩爲江南東路轉運判官。

丙辰。皇叔安德軍節度使同知大宗正事權主奉濮安懿王祭祀士會開府儀同三司。以司宗十年也。

顯謨閣直學士知平江府鄭滋。知建康府。滋再守平江。政事多弛。兩浙轉運判官湯鵬舉。宣言欲按之。始秦檜舉進士。滋爲南省參詳官。至是檜因鵬舉應辦北使。寓書於滋。稱門生。鵬舉見之。幡然更奏其治狀。

遂有是命。後旬日。又陞顯謨閣學士。滋進職。在五月戊辰。

是月。慶遠軍節度使知襄陽府張澄。始視事。襄陽平地。當江漢之衝。以大堤歲久爲水所圯。澄始相葺之。度之民不可勞。而江夏諸將私田占籍境內者。倍於編戶。澄乃諭使出力修堤。皆忻然聽命。旣成。比舊增高。周回數十里。民蒙其利。

五月辛酉。權禮部侍郎兼直學士院沈該言。國家乘火德之運。以王天下。望用故事。卽道宮別立一殿。專

奉火德。配以闕伯。而祀以夏至。從之。後建殿於太乙宮。名明離。

癸亥。直祕閣兩浙轉運判官湯鵬舉。入內內侍省押班李珂。幹辦內東門司王晉錫。各進秩一等。以太一宮成故也。

甲子。命有司繪配享功臣像於景靈宮廷之壁。皇武殿。韓忠獻王趙普。周惠武王曹彬。大定殿。司空中書門下平章事諡文惠薛居正。樞密院使諡元懿石熙載。鄭武惠王潘美。熙文殿。尙書右僕射平章事諡文靖李沆。魏文貞公王旦。山南東道節度使同平章事諡忠武李繼隆。美成殿。沂文正公王曾。許文靖公呂夷簡。簽書樞密院事諡武穆曹瑋。治隆殿。魏忠獻王韓琦。魯宣靖公會公亮。大明殿。韓文忠公富弼。重光殿。溫文正公馬光。承元殿。魏文定公韓忠彥。凡有十六人。皆取諸其家。惟熙載家累索不至。

乙丑。詔歲以成都。潼川府。利州路稱提錢十萬緡。對減四路激犒錢三分之一。初。鄭剛中改四川宣副之歲。始命三路茶鹽酒課。及租佃官田應輸錢引者。每千別輸三十錢爲鑄本。又得其贏十八萬緡有奇。至是以備軍費。

三足稱提錢。凡四十三萬七千緡。鑄錢本二十四萬七千緡。外餘十八萬四千六百九十道。二百九十一文人。帳此據總領所發賦冊。

權尙書吏部侍郎邊知白提舉江州

太平興國宮。右正言巫伋論知白闕葺躁進。頃宰平江外邑。千郡將鄭滋舉狀不獲。近緣接伴經由。乃竊以人使事。百端騷動。挾私宿怨。故有是命。

戊辰。保康軍節度使提舉佑神觀吳蓋爲昭慶軍承宣使。宣慶使清遠軍承宣使。入內內侍省押班張見

道爲景福殿使。以從幸太一宮特推恩也。右宣教郎監南雄州保昌縣溪塘鎮周芾特追三官。昭州編管芾嘗上書論事。坐狂妄黜。及至官。自言以上封切直屏棄。守臣奏之。下大理鞠治。有是命。

壬申。工部尙書詹大方言。近充賀大金生辰使。自入境。待遇使人甚厚。及至大金闕庭。供張飲饌。一一精腆。臣已戒一行官吏。不得過有須索。切慮後來三節人。或有不識大體。責辦供應。妄生語言。望嚴行戒飭。庶幾鄰好修睦。永久不替。詔今後使副及三節人。並具知委狀。申尙書省。右武大夫閣門宣贊舍人賀仔除名。橫州編管仔嘗爲利州路兵馬都監。至是詣都堂訟鄭剛中功績。尙書省奏其欺罔。乃有是命。癸酉。以太一宮齋殿後隙地爲景靈宮道院。

乙亥。殿中侍御史余堯弼言。今歡盟旣固。聘問之使。安行無慮。而恩澤所加。不減於舊。鄰國聞之。其謂我何。望裁抑適中。以堅鄰好。詔禮部參酌如所請。奉使賞賜例。見紹興十二年五月乙未並注。於是賜物及賞各減半。七月庚辰降旨。

丙子。金主使龍虎衛上將軍會寧尹蕭東溫。昭武大將軍充東上閣門使中奉顏來賀天申節。始燕射於玉津園。自是遂爲故事。

癸未。保信軍節度使龍神衛四廂都指揮使添差兩浙東路馬步軍副都總管李顯忠落軍職。降授平海軍承宣使。提舉台州崇道觀。本州居住。先是金使嘗言顯忠私遣過界。詔令分析。會顯忠上恢復之策於朝。秦檜怒。乃奏顯忠不遵稟聞。止用申狀。故有是命。此以日麻及顯忠行狀。趙牲之遺史。參修遺史云。李顯忠聞其妻周氏在黃龍府作綉工。遣三人往取之。共許金千兩。各人奏補承信郎。

三人果至黃龍府。用籠牀去其裏。隔盛周氏。載之以車。遂達江南。三人皆喜曰。太尉更有妹在燕山府。願復取之。是時楊存中亦遣人取其故妻。止於平江。用別宅居之。以再娶趙氏。不容其來也。金人使來。因奏。今講和。乃有臣僚多以金銀遺之。來取其家屬。恐大金皇帝聞之不便。上乃責顯忠。落節鉞宮祠。存中以顯忠獨被責。而已無罪。遂路遺顯忠不已。且稱其才宜復用。而顯忠亦閒居七年。徐夢莘會編載此事於紹興十四年正月。不知北人以十四年春來言此事。至此始行遣耶。或牲之所記年月差誤也。孫觀撰楊存中妻楊國夫人趙氏墓表云。夫人歸楊氏時。少師猶未著內籍。未幾。四方盜起。夫人攜諸幼子。兵戈中間。關百難。涉閱數載。卒保其家。而少師亦還朝。典軍爲大將。則趙氏非存中貴後所娶。與牲之所云不同。當考。

甲申。罷四川宣撫司。徽猷閣待制知成都府權宣撫司職事李璆爲徽猷閣直學士。四川安撫司錢糧符行中直祕閣。知夔州。直寶文閣汪召嗣守太府少卿。總領四川財賦軍馬錢糧。專一報發御前軍馬文字。武當軍節度使宣撫司使都統制兼知興元府楊政。改充御前諸軍都統制。直龍圖閣知潭州陶愷。卒。直龍圖閣主管台州崇道觀劉昉。復知潭州。右朝請郎廣南西路轉運判官方滋。直祕閣知靜江府。上嘗須龍腦爲藥。而內庫偶缺。求之秦檜。檜取一匣進之。至上前啓絨。而匣內有書題名銜。乃滋送檜者。誤不揭去。上以爲御前所未有。此以趙牲之遺史本語附入。

乙酉。龍圖閣直學士知靜州張宗元提舉江州太平興國宮。從所請也。六月丁亥朔。尙書左司員外郎章壽成權工部侍郎。壽成不及拜而卒。

癸巳。上謂大臣曰。每歲決獄。聞憲臣第遣屬官代行。徒爲具文。可令親往所部。具所決名件。申尙書省。權尙書戶部侍郎李朝正罷。以殿中侍御史余堯弼奏其嘗遣小吏從左帑市絹也。詔自今嘗於僞楚。

明受僞命之人。不得輒至國門。時左從事郎廉布入都調官。右正言巫伋奏布乃張邦昌之壻。覆載所不容。而無忌憚若此。望賜處分。故有是命。布初見建炎三年二月。右朝奉郎鄭靄爲夔州路轉運判官。左朝奉郎楊椿

爲夔州路提點刑獄公事。靄驥子也。秦檜與之親厚。故超用之。新除軍器監丞康與之與外任宮觀。與之嘗稱秦檜之命。往鎮江市玉帶。又從都統制王勝借金。上聞。遽罷之。

甲午。上諭大臣曰。郡守條上便民事。可委官看詳。有可采者。卽行之。庶不爲虛文也。

戊戌。直祕閣秦堪。秦坦並陞直敷文閣。以檜辭太一宮使加恩。乃有是命。顯謨閣直學士康直權抗章請老。詔遷一官致仕。

己亥。上曰。近布衣上書。多言縣令非理科率。朝廷自和議以後。未嘗有取於民。可申嚴約束。

庚子。秦檜奏令監司郡守常切覺察。上曰。自今有作事過當。及年老昏繆者。竝與宮祠。庶幾不爲民害。

直寶文閣淮揚轉運副使錢端禮陞直龍圖閣。知婺州。

甲辰。用太常寺主簿兼權祕書省校勘書籍林大鼐議。始築九宮貴神壇於東郊。壇二成。高三尺。方十有原尺。按宋史。九宮神壇再成。第一成。東西南北各百三十尺。再成。東西南北各一百尺。俱高三尺。上爲小壇九。縱廣皆八尺。高尺有半。歲春秋二仲祀以少牢。禮

如感生帝。

乙巳。敷文閣待制知臨安府趙不弃守尙書工部侍郎。尙書右司郎中宋旼權戶部侍郎。直祕閣兩浙轉

運判官湯鵬舉直敷文閣。知臨安府直祕閣陸宰卒。

丙午。賢妃潘氏薨。妃元懿太子母也。在妃列二十二年。至是薨。

丁未。上諭輔臣曰。近有布衣上書請行三舍法。恐未暇及此。其有言民事者。宜付戶部。可行則行之。

戊申。士民曹溥等千三百人進表請上尊號。上不許。

癸丑。大理少卿許大英面對。乞戒飭監司不依條限巡歷。及朝廷專委輒遣代行者。比司互察。詔中嚴行下。

乙卯。上曰。祕府見求遺書古迹。四川不經兵亂。可委諸司尋訪。仍令提舉官每月趣之。左奉議郎新知江州吳秉信罷。秦檜怒鄭剛中不已。遣太府寺丞宋仲堪卽江州置司。究其陰事。殿中侍御史余堯弼奏秉信乃剛中心腹之人。昨者乘閒親至川陝。士論多有指議。恐江州官吏觀望。必不能協心盡公。爲害非細。故秉信遂罷。

建炎以來繫年要錄卷一百五十八

紹興十有八年秋七月壬戌太尉安慶軍節度使提舉萬壽觀邢孝揚特許任便居住以孝揚引疾有請也。

甲子御史台主簿陳夔諸王宮大小學教授曹筠並守監察御史。夔永嘉人初見十三年時二人俱引對夔乞中嚴內

外謁禁筠乞戒飭守令務在安靖於是二人同命。夔奏劄以是月己巳行下筠奏劄以是月癸酉行下今聯書之

乙丑右朝奉大夫新江西轉運判官賈直清乞於縣官中選有出身人兼縣學教導上謂大臣曰州縣選官教導乃教化本原將來三年科場亦有人才可備采擇乃令禮部參酌如所請。八年壬辰行下

壬申右承事郎韓彥古直祕閣彥古世忠少子也。

癸酉皇叔光山軍承宣使知西外宗正事士樽爲岳陽軍節度使。

甲戌尙書禮部侍郎周執羔兼右司員外郎權中書舍人吳棨並罷以殿中侍御史余堯炳論執羔送件北使至平江輒生事棨急躁好罵故也入內內侍省押班張見道陞延福宮使見道與其養子內侍省押班去爲並爲景福殿使去爲請以解帶一官回授見道上許之。

丁丑殿中侍御史余堯弼守御史右正言巫伋守右司諫仍並兼崇政殿說書尙書祠部員外郎陳誠之試國子監司業祕書省著作佐郎兼普安恩平郡王府教授王墨卿守起居舍人

戊寅言者乞令州郡建閣以藏宸翰上以其勞民不許

癸未敷文閣待制提舉江州太平興國宮張嶠獻紹興中興復古詩詔嘉獎嶠尋卒

甲申直敷文閣知臨安府湯鵬舉言陛下獨任一德臣以偃干戈皇華交贄給轍於道而沿流諸邑或尙存芟舍以待使人望詔有司下所經由程頓並令修建庶幾賓主如歸從之限令冬畢

八月丙戌朔右朝散大夫知鎮江府榮嶷知揚州龍圖閣直學士提舉江州太平興國宮李迨卒

丁亥刑部員外郎章燾面對乞闢大學增弟子員詔禮部看詳降授武功郎章訊復達州刺史添差兩浙東路馬部軍副總管崇慶軍節度使致仕葉夢得薨於湖州贈檢校少保

戊子樞密院編修官林機祕書省校書郎劉章並爲著作佐郎兼普安恩平郡王府教授

己丑左宣議郎何逢原充樞密院編修官

辛卯刑部郎中李如剛轉對乞諸路憲臣不親行疎決者令帥漕糾舉以聞詔申嚴行下如剛濟南人也閩州觀察使知閣門事何彥良卒

癸巳權禮部侍郎沈該乞四川類省試合格不赴殿試人第一等並賜進士出身餘人同出身從之自行在吳中蜀士不就庭試榜首率依第三人推恩講和後稍稍來奉答對是舉類試策問古今蜀人才盛衰

之故。而德陽何耕對策。極論蜀士徇道守節。無心於世。引楚相子文三仕三已之說爲證。又言。李固無大雅之明哲。卒蹈於跋扈將軍之手。議者固已少之。若相如作封禪書。蓋孟子所謂逢君之惡。楊子雲作美新以媚賊。又蜀人所羞道。有司定爲榜首。秦檜見其州里大惡之曰。是敢與張德遠爲地耶。會耕以後至。乞推恩。檜批送禮部措置。該諭其意。卽曰。今舉有試中高等之人。爲見先有已降等第推恩名色。及肅御試卻中底甲。往往在路遷延日月。才候試畢。並自陳爲病。趁赴不及。顯屬太優。檜入熟狀。畫可。自是遂爲故事。

丙申。端明殿學士簽書樞密院事汪勃罷。勃爲言者所攻。以親老乞歸養。詔依舊職。提舉江州太平興國宮。

丁酉。工部尙書詹大方爲端明殿學士。簽書樞密院事。尋權參知政事。權尙書禮部侍郎兼直學士院。沈該充敷文閣待制。知潼川府。詔劉婕妤祖母太孺人唐氏特封永嘉郡太夫人。右武大夫果州觀察使兩浙東路馬步軍副總管馬夔卒於婺州。特贈三官。卹其家甚厚。

庚子。監察御史張杞面對乞州縣之吏有政績者。令監司郡守考核聞奏。不得令士民飾詞。妄有舉留。從之。

戊申。左中奉大夫知潁州趙叔洩代還。乞令諸路總領官及都統制增闢營田。庚戌。詔戶工部立法賞罰。叔洩又言。陛下卽位以來。用人多矣。其閒或持兩可。或專征戰。政出多門。競持異議。故投艱弭亂。略無寧